



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 030 Б А С П А С ө З Р Е Л И З І
2005 жылғы 3 қазан**

**Халықаралық резервтер, ақша базасы және
ресми қайта қаржыландыру ставкасын
белгілеу туралы**

1. Халықаралық резервтер және ақша базасы туралы. Қазақстан Республикасы Ұлттық Банкінің халықаралық резервтері (Ұлттық Қордың ақшасын есепке алмағанда) және ақша базасы 2005 жылғы қыркүйекте мынадай болды:

	Ағымдағы бағамен	Тұрақты бағамен*
Таза халықаралық резервтер, млн.долл.	8 302,9	8 235,5
оның ішінде		
ЕАВ таза активтер**	7 401,5	7 401,5
Алтын	901,4	834,0
Ақша базасы, млрд. теңге	642,3	642,3
KZT/USD (кезең аяғында)	133,89	130,00
Алтынның бағасы (1 трой унциясы үшін USD-мен)	473,40	438,00

* 2004 жылдың аяғындағы теңгенің АҚШ долларына бағамы және алтынның бағасы көрсетілген

** ЕАВ-мен таза активтер – бұл ЕАВ-ғы жалпы активтер мен міндеттемелер арасындағы айырма

2005 жылғы қыркүйекте Ұлттық Банктің халықаралық резервтері көбейді.

Ұлттық Банктің таза халықаралық резервтері ағымдағы бағамен 6,3% (немесе 495,1 млн. долл.) өсті. Қаржы министрлігінің сыртқы борышына қызмет көрсету, Ұлттық қордың активтерін толықтыру ішкі валюта нарығында валюта сатып алумен және Ұлттық Банктегі Үкіметтің шоттарына шетел валютасының түсуімен бейтараптандырылды. Нәтижесінде таза валюта қорлары (ЕАВ) 413,9 млн. долларға көбейді. Алтынмен активтер жүргізілген операциялар және оның әлемдік нарықтардағы бағасының 9,3% өсуі нәтижесінде 81,2 млн. долларға көбейді.

Тұрақты бағалармен Ұлттық Банктің таза халықаралық резервтері 5,3%, ЕАВ-мен таза активтер – 5,9%, алтынмен активтер 0,5% өсті.

Елдің халықаралық резервтері тұтастай алғанда (ағымдағы бағалармен) яғни, Ұлттық Қордың ақшасын (алдын-ала деректер бойынша – 5 551,3 млн. долл.) қоса алғанда 13 860,2 млн. долл. болды. Өткен айға өсу 4,9 % болды.

2005 жылғы қыркүйекте Ұлттық Банктің таза халықаралық резервтерінің көбеюі ақша базасының 15,8% (немесе 87,4 млрд. теңгеге) кеңеюіне себепші болды.

2. Ресми қайта қаржыландыру ставкасын белгілеу туралы. Инфляция деңгейінің динамикасын ескере отырып және «Қазақстан Республикасының Ұлттық Банкі туралы» Қазақстан Республикасының Заңына сәйкес Қазақстан Республикасы Ұлттық Банкінің Басқармасы 2005 жылғы 1 қазаннан бастап Қазақстан Республикасы Ұлттық Банкінің ресми қайта қаржыландыру ставкасын жылдық 8,0% деңгейінде белгілеуге қаулы шығарды. Қайта қаржыландыру ставкасының бұрынғы мәні де жылдық 8,0% деңгейін құрады.

2005 жылғы қаңтардан бастап қыркүйек аралығындағы кезең ішінде Қазақстанда жылдық көрсетуде инфляция деңгейінің көтерілгені байқалды. Қазақстан Республикасы Статистика агенттігінің деректері бойынша 2005 жылғы қыркүйекте инфляция жылдық көрсетуде 7,9% (2004 жылғы желтоқсанда – 6,7%) болды. Бұл 7,4% орташа жылдық инфляцияның деңгейіне сәйкес келеді, мұның өзі оның ағымдағы жылға нақтыланған болжамынан (5,2-6,9%) асып түседі.

Қазақстан Республикасының Ұлттық Банкі соңғы жылдары нақты көрсетуде әлсіз оң ресми қайта қаржыландыру ставкасын қолдау саясатын ұстанып отырғандықтан, Ұлттық Банк жылдық 8,0% деңгейінде қайта қаржыландыру ставкасын сақтауды мүмкін деп есептейді.